


# **Viex Yesux Hu Sivoe Pilat**



**Lukax 23:1-5, 13-14, 18-24**



**Illustrations by Sweet Publishing <http://sweetpublishing.com/>**

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

**Scripture passages are from the New English Translation**

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

**Translated to the Wa language by:**

**Yex Ka Lin**

**Ai Sang Awng**

**Edition : First edition**

**Date : September, 2015**

**Wa Scripture passages are from The Holy Bible in Wa (2012)**



## Puag Pua Pa Koe Plak Khaix


Kadaux been in ex tag sang yaox ka pui pa kaux Pilat. Pilat mawh simiang Romax, cao kuang dah dee ot pui ceu Yudax, veng Yerusaliem.

Caog giex kaing li pui ceu Yudax simie deuh phimap ka Yesux. Viang mawh nan kix ang chix yuh tidtix ka Yesux, kheu ang pon akhuang pa tawx simiang Pilat. Mawh kheu nan khaix hoik chawk cheng cao kaing Yudax ka Yesux, kix viex Nawn hu ka dee ot simiang Pilat son sang nhie simiang Pilat teei Yesux yum.


## *Krax Pa Nih Nai Krai Lao Tau*

*Mawh grawh grawng ceu pa tix, lien tom  
giex pui hu daux lum lien (a) nyiex prawng see?  
Mawh ceu pa lud pa yuh ka mawx pa khaw ti  
prawng ca?*






<sup>1</sup> Cub kix khawmuik kaoh mai viex Naws  
Cao hu ka sivoe Pilat. <sup>2</sup> Kix jah ti deuh phimap  
ka piang Naws Cao, ah nin, “Ex yaox Pui in yuh  
kieh pui meung ex lud mai ang kieh tawx mau  
koh ka simiang Kesa, Naws ah tokaux tix mawh,  
Khrit Simiang heue.”



<sup>3</sup> Pilat chawk Nawh Cao ah nin, “Mawh Maix Simiang Pui Yudax lie?” Nawh Cao pawk lox ah nin, “Mawh awm pa ah maix heue.”




<sup>4</sup> Pilat ah nin ka cao giex kaing li pa ting khankix mai ka cub pui hun khankix, “Ang aux yaox dee lud ka daux pui in tix ceu kawx heue.”


<sup>5</sup> Viang mawh nan, kix nie baox lheu, nied ti ah nin, “Nawh hoik cheeik ka kawn pui, ka lox sidiex lox gau Nawh, jah ka meung Galilie, ka daux meung Yudax kudah kudee, tom hoek ka dee in heue.”




<sup>13</sup> Pilat kok cao giex kaing li pa ting khankix mai simiang khankix, pui khankix, khrawm paox tix, <sup>14</sup> ah nin ka kix, “Pex hoik viex pui in ka aux, awm mawh pui pa kieh pui lud heue. Aux hoik chawk cheng Nawh ka sivoe pex, ang yaox dee lud pui in, grawng ceu pa deuh pex phimap ka Nawh heue.



<sup>18</sup> Viang mawh nan kix khawmuik kok yo tau ah nin, “Teei ti tik pui in mai ploi Barabax ka ex heue.” <sup>19</sup> Barabax mawh pui pa hoik sau ka daux thawng, kheu mawh nawh pa hoik tieh feen tix kaux, yam tieh feen ka daux veng an nawh mawh pa hoik pah pui yum heue.



<sup>20</sup> Pilat baox deeh ah ka kix tix bawg, kheu simie nawh ti ploi Yesux. <sup>21</sup> Viang mawh nan kix khawmuik kok yo ah nin, “Tawk Nawn piang khaox lhak, tawk piang khaox lhak heue.”



<sup>22</sup> Nawh chawk ka kix loe bawg tix bawg ah nin, “Mawh kheu patix, pui in hoik yuh pa caox pa yuh ka mawx? Aux ang yaox grawng ceu pa khaw Nawh ti yum tix ceu kawx heue. Mawh kheu nan aux tag sang sivied Nawh mai ploi Nawh heue.”



<sup>23</sup> Viang mawh nan kix nied ti baox kok lox sinum, mhaing ti kieh tawk Nawh Cao piang khaox Ihak, lox kix mai lox cao giex kaing li pating khankix pex heue. <sup>24</sup> Pilat prawng ca, yuh ka mawx son sang yuh, awm ceu pa rawg mhaing kix heue.

### **k. Deeh Thawk Theng**

1. Cao giex kaing li khankix viex Yesux hu dee mawx? Kix ah Yesux yuh phi map ceu pa yuh ka mawx?
2. Lox chawk simiang Pilat ka Yesux bawg liang mawh pa tix? Yesux deeh pawk yuh ka mawx?
3. Banabax mawh pui pa yuh ka mawx? Pui khankix mhaing simiang Pilat yuh ka mawx kah Yesux mai Banabax?
4. Simiang Pilat keud Yesux mawh pui pa koe dee lut lie?
5. Mawh kheu jao pa tix simiang Pilat ang simie tawk Yesux yum piang khaox lhak?
6. Simiang Pilat tat rhawm tix yuh ka mawx son Yesux?

### **kh. Krax Pa Doh Rhawm Ka Been**

1. Pa prawng cao kaing Yudax ka Yesux caw lie?
2. Mawh kheu jao pa tix simiang Pilat keud Yesux mawh pui ang koe phimap?
3. Maix keud mawh kheu jao pa tix Yesux ang thiang lox tang phimap?

### **g. Krax Pa Deeh Shiao Daux Ju Tix**

1. Maix keud yuh ka mawx ka grawng pui pa tawng phuk lai Sigang Khri kawx chix yuh pa lut?
2. Ex pon rieb gau ceu pa tix khaing grawng Yesux ka been in?
3. Daux rhawm maix koe yuh ka mawx yam tawng maix Yesux kham tix yum son maix piang khaox lhak?

## **Ng. Ceu Pa Rieb Gau Ex Khaing Been In**

1. Yesux kham krax deuh phimap son ex ka daux pa ang Nawh yuh phimap. (Mawh kheu nan Yesux tang phimap ex, ex tom pon tix luat luan khaing krax pa prawng ca Siyiex heue.)
2. Ceu pa ting jhawm, lhaong rhawm, iak jhak mai ceu pa going khankix mawh pa kieh ex pui tang kaux saux laux mai mawh pa kieh ex tieh thiang ka Siyiex.

## **Baux Lai Pa Caw Ti Ci**

Lukax 23:3 Pilat chawk Nawh Cao ah nin, “Mawh Maix Simiang Pui Yudax lie?” Nawh Cao pawk lox ah nin, “Mawh awm pa ah maix heue.”